

## Uunga

allannguutissatut siunnersuut

**Uunga siunnersuut: Isumaginninnermik suliaasaqarfimmi pissaanermik atuineq pillugu Inatsisartut inatsisaat**

Aappassaaneerneqarnissaanut Naalakkersuisunit saqqummiunneqartoq.

## § 42-mut

**1.** § 42, imm. 1, ima oqaasertalernerqassaaq:

”Najugaqariaatsimi aqutsisup, taassumaluunniit tullersortaata matuni silarlarni matunik ammaassutit immikkut ittut inummut ataatsimut arlaqartunulluunniit piffissami killilimmi atorsinnaagai, kommunimi angerlarsimaffigisami kommunalbestyrelsip aalajangersinnaavaa, imaattoqarpat:

- 1) inuup inuilluunniit arlallit najugaqariaatsimik qimatsinermigut/qimatsinermikkut timikkut annertuumik imminut allanilluunniit annertuumik ajoqusiinissaa/t tutsuiginartumik aarlerinaateqarpat,
- 2) taamatut aarlerinerup pinngitsoortinnissaanut pisuni ataasiakkaani pissutsit tamanna pisariaqartilluinnarpassuk, aamma
- 3) Inatsisartut inatsisaanni periarfissat allat kinguneqanngitsumik atorineqareersimappata.”

Siunnersuummut nassuiaatit

**Nassuiaatit nalinginnaasut**

§ 42, imm. 1-imi oqaatsit naapertuutinninnerat pillugu Inatsisartut Ombudsmandiata saaffiginninnerata kingunerisaanik allannguutissatut siunnersuut saqqummiunneqarpoq. Kalaallisuuani oqaatsit “matuni silarlarni” taaneqarsimanngillat, taamaattoqarnerata aalajangersagaq kukkusumik atorineqarsinnaanngortissavaa. Taamaattumik inatsisip kalaallisoortani naqqiissuteqarnissaq pisariaqarpoq.

**Allannguutissatut siunnersuummi aalajangersakkanut ataasiakkaanut oqaaseqaatit**

## Nr. 1-imut

Allat tamaasa iluatsinngitsumik misilinneqareersimatillugit, pisuni immikkut ittuni, matuni silarlerni matunik ammaassutit immikkut ittut, najugaqariaatsimi aqutsisup taassumaluunniit tullersortaata atorsinnaagaat, kommunimi angerlarsimaffigisami kommunalbestyrelsip aalajangersinnaavaa. Innuttaasut ilaasa annertuumik ataavartumillu tarnikkut pisinnaasakillisimasut aninissaat imminnut allanulluunniit annertuumik inuttut ajoqusiinissaat pinngitsoortinniarlugu imaluunniit ajornarnerulersinniarlugu, uani assersuutigalugu matup tigummivii marloqiusat, matup tigummivii matumik ammaanissamut marloriarlugit toorneqartussat assigisaallu pineqarsinnaapput.

<b>Inatsisissatut siunnersuutip saqqummiunneqartup allannguutissatut siunnersuummut naleqqiunneqarnera</b>	
<i>Inatsisissatut siunnersuut</i>	<i>Allannguutissatut siunnersuut</i>
<p>§ 42. Najugaqarfissatut neqeroorummi aqutsisup, taassumaluunniit tullersortaata matunik ammaassutit immikkut ittut inummut ataatsimut arlaqartunulluunniit piffissami killilimmi atorsinnaagai kommunimi angerlarsimaffigisami kommunalbestyrelsip aalajangersinnaavaa, imaattoqarpat:</p> <p>1) inuup inuilluunniit arlallit najugaqarfissatut neqeroorummik qimatsinermigut/qimatsinermikkut timikkut annertuumik imminut allanilluunniit annertuumik ajoqusiinissaa/t tutsuiginartumik aarlerinaateqarpat,</p> <p>2) taamatut aarlerinerup pinngitsoortinnissaanut pisuni ataasiakkaani pissutsit tamanna pisariaqarlunnartippassuk, aamma</p> <p>3) inatsimmi periarfissat allat kinguneqanngitsumik atorreqareersimappata.</p>	<p>§ 42. Najugaqariaatsimi aqutsisup, taassumaluunniit tullersortaata matuni silarlarni matunik ammaassutit immikkut ittut inummut ataatsimut arlaqartunulluunniit piffissami killilimmi atorsinnaagai, kommunimi angerlarsimaffigisami kommunalbestyrelsip aalajangersinnaavaa, imaattoqarpat:</p> <p>1) inuup inuilluunniit arlallit najugaqariaatsimik qimatsinermigut/qimatsinermikkut timikkut annertuumik imminut allanilluunniit annertuumik ajoqusiinissaa/t tutsuiginartumik aarlerinaateqarpat,</p> <p>2) taamatut aarlerinerup pinngitsoortinnissaanut pisuni ataasiakkaani pissutsit tamanna pisariaqartillunnarpassuk, aamma</p> <p>3) Inatsisartut inatsisaanni periarfissat allat kinguneqanngitsumik atorreqareersimappata.</p>